



Tilleggsinnkalling av Alver kommunestyre

Møtedato: 14.05.2020
Møtestad: Teams-møte
Møtetid: 12:00 -

Eventuelle forfall må meldast til Tove-Mette Arnø Fyllingen per tlf. 47464145, sms til eller per epost til ftm@lindas.kommune.no

Varamedlemmer møter berre etter nærare avtale.

Kl. 12:00 - 12:30 SPØRJETIME

Sakliste

Saknr	Tittel
021/20	Godkjenning av innkalling og sakliste
022/20	Godkjenning av møteprotokoll
023/20	2. gongs handsaming - Kommunal områdereguleringsplan Rylandshøgda, gnr. 343
024/20	2.gongs handsaming - Detaljreguleringsplan Hamneset - Aurdal
025/20	3.gongs handsaming - Kommunal detaljreguleringsplan Meland kyrkjegard, Gnr. 316/317
026/20	Avklaring av planinitiativ - Detaljregulering for Snekkevika gnr. 464 bnr. 41 m.fl.
027/20	Kommunedelplan for Meland temarulling areal for havbruk- Vidare prosess knytt til motsegn
028/20	Godkjenning av planstrategi for Alver kommune 2020-2023
029/20	Tilsynsstrategi for Alver kommune 2020-2022
030/20	Tilleggsfinansiering prosjekt 35024 Avlaupsleidning Holmeknappen-Tveit og 36006 Veg Holme-Tveit
031/20	Tilleggsfinansiering VA-anlegg Buheim, Alversund
032/20	VA-prosjekt i økonomiplanen
033/20	Gebyrregulativ for vatn og avløp 2020, tilpassing til abonnentar med eigen septiktank i kombinasjon med kommunalt avløp
034/20	Gebyr- og betalingssatsar for 2020. Festeavgift
035/20	Retningslinjer Ungdomsrådmidlane
036/20	Prioritering søknader lokale kulturbygg Vestland fylkeskommune
037/20	Tilsynsavgift for tobakksvarer frå 01.01.2020
038/20	Lokal aktivitetsspakke for næringslivet knytt til koronaviruset
039/20	Medlemskap Klimapartner Vestland

040/20	Medlemsskap i Nettverk fjord- og kystkommuner
041/20	Val av representantar til generalforsamling Aufera AS
042/20	Krav om lovlegkontroll av kommunestyrets vedtak om byvekstavgift i møte 20.februar 2020 – sak 003/20.
043/20	Søknad om permisjon/midlertidig fritak frå politiske verv u.off.jf.off.lova § 13 3.ledd
044/20	Melding/orientering til kommunestyret 14.05.2020
045/20	Interpellasjon
046/20	Retningslinjer for vidare drift av campingplassar, bobilcamping og gjestehamner i samband med Covid-19
047/20	Vedtak for å førebyggje og avgrense koronasmitte - justering 14.05.2020

13. mai 2020

Sara Hamre Sekkingstad
ordførar

Tove-Mette Arnø Fyllingen
møtesekretær

Arkiv: FA-G01, FA-G03
JournalpostID: 32T
Saksbehandlar:
Dato: 13.05.2020

Saksframlegg

Saksnr.	Utvalg	Møtedato
046/20	Alver kommunestyre	14.05.2020

Retningslinjer for vidare drift av campingplassar, bubilcamping og gjestehamner i samband med Covid-19

Rådmannen sitt framlegg til vedtak:

- Kommunestyret ber rådmannen utarbeide retningslinjer for vidare drift av campingplassar, bubilcamping og gjestehamner i samband med Covid-19.
- Retningslinjene skal erstatte forskrift om avgrensing av bruken av campingplassar, bubilcamping og båthamner i samband med Covid-19, vedtatt i formannskapet 03.04.20 (sak 36/20)
- Forskrift gjeld fram til retningslinjene er godkjent. Kommuneoverlege får fullmakt til å godkjenne retningslinjene.
- Forskrifta og retningslinjer vert uansett oppheva når tiltaka ikkje lenger er naudsynt, jf. smittevernlova § 4-1, 5. ledd.

Saksopplysningar:

Bakgrunn:

For å førebyggje og hindre spreiding av smitte av covid-19, samt avgrense belastning på helse- og omsorgstenesta i kommunen, blei det 03.04.20 vedtatt ei forskrift for å avgrense bruken av campingplassar, bubilcamping og båthamner i Alver kommune. Forskrifta regulerer at campingplassar (inkludert verksemd med utleige av hytter og fritidsleilegheiter), anlegg for bubilcamping og båthamner i Alver skal halde stengt sanitæranlegga, felles kjøken og andre felles opphaldsrom. Forskrifta ligg vedlagt saka.

Helsedirektoratet og Folkehelseinstituttet (FHI) har kome med råd via fylkesmennene om at det truleg ikkje er ein god ide å stenge sanitæranlegg og campingplassar. Det vil vere mange nordmenn på ferie innanlands i år. Ved å stenge campingplassar, eller ikkje tillate opphald for folk som campar utan eigne sanitærfasilitetar vil det truleg verte større press på utmarksområde utan sanitæranlegg og avfallshandtering. Det vil då vere betre å leggje til rette for å gjennomføre gode smitteverntiltak på campingplassar og ved sanitæranlegg. Det er viktig å leggje til rette for at både folk som betener staden og dei som nyttar fasilitetane, kan halde nødvendig avstand og at dei har høve til å utføre god handhygiene.

For å sikre likebehandling, og for å hindre at turistar vert forskyvd som følgje av ulik praktisering, tilrår fylkesmannen at kommunane i Vestland legg seg på ei mest mogleg lik linje. Dei ønsker å understreke at det er viktig at den enkelte campingplass utformar eigne rutinar og reglar for gjestene si åtferd under opphaldet. Dei må tilpassast den enkelte plassen, men må samstundes følgje føringar i forskrifter og tilrådingar frå nasjonale og lokale styresmakter.

Erfaringar frå Stad kommune

Stad kommune har hatt utfordringar kring situasjonen med stengde campingplassar og aukande turisme. Stad kommune opplevde at det var gitt uklare rammer kring drifta av campingplassar, og at det var variasjonar mellom kommunane i korleis dei vart tolka. Stad kommune valde å innføre ein lokal forskrift om avgrensa drift av campingplassar 31. mars. Det var då berre lov å overnatte i hytter og tilsvarande med eige sanitæranlegg.

Etter dette har samfunnet gradvis opna opp att, utan at det har kome klare nasjonale føringar for campingplassar. Det har vore ein auke i turisttilstrøyminga, og i samband med det så har det kome uromeldingar frå lokalt hald. Utfordringa er at teltarar og bilcamparar ikkje har tilgang til sanitæranlegg. Mange stader i kommunen er campingplassane nesten einaste offentlege toalett.

Grunna dei uheldige effektane av stengde campingplassar ønskte kommunen å opne for meir vanleg campingdrift, i dialog med næringa. Kommunen oppheva 30. april den lokale forskrifta og utforma i staden retningslinjer for campingplassar. Dei vart sendt ut til verksemdene og publisert på heimesida til kommunen. Dette var for å sikre at naudsynt smittevern vert ivareteke, og for å få til ein mest mogleg lik praksis hjå dei ulike verksemdene.

Stad kommune sine retningslinjer for camping er tilgjengeleg her:

<https://stad.kommune.no/tenester/helse-og-omsorg/legeteneste/informasjon-korona/vedtak-karantenereglar-testing-av-koronasmitte/retningslinjer-for-vidare-drift-pa-campingplassane-i-stad-kommune-fra-29-04-2020.4721.aspx>

Vurdering

Rådmannen har saman med kommuneoverlege vurdert vidare rammer for drift av campingplassar. Det er ein god ide at det blir utforma felles retningslinjer for alle kommunane i Vestland fylke, slik at det blir mest mulig lik handtering på tvers av kommunane. Dette er noko rådmannen vil utfordre Fylkesmannen på. Men rådmannen vil uansett starte eit samarbeid med lokalt næringsliv med mål om å ha på plass retningslinjer for vidare drift av campingplassar, bubilparkering og gjestehamner. Fram til retningslinjene er godkjent vil forskrift vedtatt 03.04.20 framleis gjelde. Rådmannen foreslår at kommuneoverlegen får fullmakt til godkjenne retningslinjene. Retningslinjene vil erstatte forskrifta så snart dei er godkjent.

Framlegg til vedtak:

- Kommunestyret ber rådmannen utarbeide retningslinjer for vidare drift av campingplassar, bubilcamping og gjestehamner i samband med Covid-19.
- Retningslinjene skal erstatte forskrift om avgrensing av bruken av campingplassar, bubilcamping og båthamner i samband med Covid-19, vedtatt i formannskapet 03.04.20 (sak 36/20)
- Forskrift gjeld fram til retningslinjene er godkjent. Kommuneoverlege får fullmakt til å godkjenne retningslinjene.
- Forskrifta og retningslinjer vert uansett oppheva når tiltaka ikkje lenger er naudsynt, jf. smittevernlova § 4-1, 5. ledd.

Vedlegg i saken:

13.05.2020 Forskrift vedteke 03.04.2020

1391101

Forskrift om avgrensing av bruken av campingplassar, bubilcamping og båthamner i samband med Covid-19

Heimel: fastatt av formannskapet i Alver kommune 3. april 2020 med heimel i lov av 5. august 1994 nr. 55 om vern av smittsomme sykdommer § 4-1 første ledd bokstav b.

§ 1 Føremål

Forskrifta gjeld tiltak i Alver kommune som skal førebyggje og hindre spreiding av smitte av covid-19 samt avgrense belastning på helse- og omsorgstenesta i kommunen.

§ 2 Stenging av felles anlegg

Campingplassar (inkludert verksemd med utleige av hytter og fritidsleilegheiter) , anlegg for bubilcamping og båthamner i Alver skal halde stengt sanitæranlegga, felles kjøken og andre felles opphaldsrom.

§ 3 Økonomisk ansvar

Alver kommune tek ikkje økonomisk ansvar som følgje av pålagde tiltak

§ 4 Verknadstid

Forskrifta trer i kraft straks, og gjeld inntil vidare. Forskrifta vert oppheva når tiltaka ikkje lenger er naudsynt, jf. smittevernlova § 4-1, 5. ledd.

Arkiv: FA-G01, FA-G03
JournalpostID: 32T
Saksbehandlar:
Dato: 13.05.2020

Saksframlegg

Saksnr.	Utvalg	Møtedato
047/20	Alver kommunestyre	14.05.2020

Vedtak for å førebyggje og avgrense koronasmitte - justering 14.05.2020

Rådmannen sitt framlegg til vedtak:

Vedtaket skal førebyggje og avgrense smitte, beskytte sårbare grupper og oppretthalde nødvendig kapasitet i kommunen sine helsetenester.

Kommunale bygg og aktivitetar

- Kommunen stenger for utleige av alle kommunale bygg og eigedomar, og stenger idrettshallar og svømmehallar fram til 1. september 2020.
- I tillegg avlyser kommunen alle arrangement som er knytt til fysisk deltaking og utleige av kommunen sine lokalar i same tidsrom.
- Utandørs idrettsanlegg kan opnast for aktivitet i samsvar med nasjonale smittevernreglar.
- Kommunen kan nytte kommunale bygg og eigedomar til eigne tenester og aktivitetar etter gjeldande smittevernreglar, dette inkluderer også politiske møte.

Økonomisk ansvar

Alver kommune tar ikkje økonomisk ansvar som kan følgje av tiltaka.

Vedtak etter smittevernlova

Vedtaket er heimla i smittevernlova § 1-5 og § 4-1 og gjeld frå og med 14. mai 2020 til kommunen gjer nytt vedtak.

Politisk handsaming

Saka skal avgjerast i kommunestyret

Bakgrunn

Alver formannskap gjorde følgjande vedtak i møte den 30.04.2020 (sak 51/20):

Målet med vedtaket er å førebyggje og avgrense smitte, beskytte sårbare grupper og oppretthalde nødvendig kapasitet i kommunen sine helsetenester.

Kommunale bygg og aktivitetar

Kommunen stoppar utleige av alle kommunale bygg og eigedomar og stenger idrettshallar og svømmehallar. Kommunen avlyser i tillegg alle arrangement, og all aktivitet og opplæring med fysisk deltaking i kulturskulen. Dei kommunale ungdomsklubbane skal halda stengt.

Økonomisk ansvar

Alver kommune tar ikkje økonomisk ansvar som kan følgje av tiltaka.

Vedtak etter smittevernlova

Vedtaket er heimla i smittevernlova § 1-5 og § 4-1 og gjeld frå og med 14. mai 2020 til kommunen gjer nytt vedtak.

Gradvis opning av samfunnet

Den 7. mai blei det lagt fram ein plan frå regjeringa om å opne opp samfunnet gradvis etter all nedstenging på grunn av koronaviruset. Planen inneheld ei justering av mange av koronatiltaka, ein samla oversikt finn de på nettsidene til regjeringa:

<https://www.regjeringen.no/no/aktuelt/regjeringens-plan-og-justering-av-koronatiltak/id2701493/>

Dei tiltaka som er mest aktuelle for kommunen er følgjande:

Frå 7. mai:

- Anbefalt storleik på grupper blir auka frå fem til maks 20 personar, med minst 1 meters avstand
- Det er mulig å gjennomføre treningar og organisert idrett for inntil 20 personar.
- Idrettshallar kan opne, men det er forbod mot bruk av garderobar i idrettshallar
- Det er lov med arrangement med inntil 50 deltakarar på offentleg stad, med minst 1 meters avstand og der det er ein ansvarleg arrangør
- Forbod mot utanlandsreiser for helsepersonell er oppheva
- Karanteneplikt er endra frå 14 til 10 dagar.
- Arbeidsgjevarar må sikre at tilsette kan halde ein avstand på minst 1 meter i heile arbeidstida. Tilsette skal unngå offentleg transport og det må framleis bli lagt til rette for heimekontor.

Frå 11. mai:

- Alle grunnskular skal opne på alle trinn frå veke 20
- Vaksenopplæring kan opne frå veke 20

Frå 1. juni:

- Det blir opna for organisert svømming, inkludert skulesvømming.

Frå 15. juni:

- Det blir opna for arrangement med opptil 200 personar
- Intensjon om å opne svømmehallar generelt for publikum.

Vurdering

Sjølv om det blir opna for fleire aktivitetar er det viktig at samfunnet held fram med å gjennomføre tiltak som hindrar smittespreiing, og alle må følgje smittevernreglane slik at vi ha kontroll på smittesituasjonen. For kommunen har det dei siste vekene vore særleg fokus på å opne barnehagane og skulane på ein trygg og forsvarleg måte, og lek, undervisning, skule-/barnehagedag og logistikk er lagt opp etter tydelege rettleiarar. Situasjonen er krevjande fordi systemet krev anna bruk av lokalar og det er strengare krav til reinhald og smittevern.

Gjennom kommunal kriseleiing (KKL) blir det jobba med ein plan for å opne opp att kommunen som arbeidsplass, tenesteytar og arena for mange ulike aktivitetar. Det blir gjort konkrete vurderingar til kvar aktivitet og teneste ut frå smittevernomsyn, og særleg knytt til kapasitet på reinhald. I regjeringa sin plan for å opne samfunnet blei det lagt vekt på at kommunen skal prioritere aktivitet for barn og unge. Dette er også noko kommunal kriseleiing

vurderer fortløpande.

Rådmannen har gjort ei heilskapleg vurdering av regjeringa sin plan for opning av ulike aktivitetar og tiltak, og har sett at det er utfordrande å opne opp nokre av dei tiltaka som ligg i planen. Denne vurderinga er basert på ei heilskapleg vurdering av smittevernomsyn og kapasitet på reinhald. Rådmannen tilrår derfor følgjande hovudgrep:

- Kommunen stenger framleis for utleige av alle kommunale bygg og eigedomar, i tillegg til å stenge idrettshallar og svømmehallar. Dette gjeld fram til 1. september 2020. Bakgrunnen for å sette ein frist til 1. september er å vurdere konsekvensen av ei opning i etterkant av skulestart haust 2020. Idrettshallar og svømmehallar er særleg krevjande når ein ikkje kan nytte gardarbar og det er heller ikkje kapasitet på reinhald for å kunne halde hallane opne.
- Kommunen avlyser alle arrangement som er knytt til fysisk deltaking og utleige av kommunen sine lokalar. Dette gjeld også fram til 1. september 2020.
- Utandørs idrettsanlegg kan opnast for aktivitet i samsvar med gjeldande smittevernreglar.
- Kommunen kan nytte kommunale bygg og eigedomar til eigne tenester og aktivitetar etter gjeldande smittevernreglar, dette inkluderer også politiske møte.
- Det blir fortløpande gjennomført konkrete vurderingar for opning av tenester som kulturskule, bibliotek og ungdomsklubbar i samsvar med gjeldande smittevernreglar.
- Opning av kontorarbeidsplassar og møteverksemd blir også vurdert etter ein plan og etter gjeldande smittevernreglar.

Tilråding:

Rådmannen rår til å justere det lokale vedtaket for å førebyggje og avgrense koronasmitte, framlegg til vedtak:

Vedtaket skal førebyggje og avgrense smitte, beskytte sårbare grupper og oppretthalde nødvendig kapasitet i kommunen sine helsetenester.

Kommunale bygg og aktivitetar

- Kommunen stenger for utleige av alle kommunale bygg og eigedomar, og stenger idrettshallar og svømmehallar fram til 1. september 2020.
- I tillegg avlyser kommunen alle arrangement som er knytt til fysisk deltaking og utleige av kommunen sine lokalar i same tidsrom.
- Utandørs idrettsanlegg kan opnast for aktivitet i samsvar med nasjonale smittevernreglar.
- Kommunen kan nytte kommunale bygg og eigedomar til eigne tenester og aktivitetar etter gjeldande smittevernreglar, dette inkluderer også politiske møte.

Økonomisk ansvar

Alver kommune tar ikkje økonomisk ansvar som kan følgje av tiltaka.

Vedtak etter smittevernlova

Vedtaket er heimla i smittevernlova § 1-5 og § 4-1 og gjeld frå og med 14. mai 2020